



Inatsisartuni ilaasortaq Saxtorph Didriksen, Siumut
TAKANNA

§ 37-mi Apeqqut nr. 2014-032 SADI Rubinimut akissut

19. februar 2014
Sagsnr. 2014-095953
Dok. Nr. 1490315

Inatsisartut suleriaasianni § 37 naapertorlugu Ujaqqanik pinnerasaasiassanut Immik-koortorta qarfimmuut tunngatillugu Naalakkersuisunut ataani apeqqutit saqqummiussimatit, matumuunalu akissuteqarfigineqarput.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.naalakkersuisut.gl

1. Namminersoneq 2009-mi eqqunneqarnerata kingorna Pinnerasaasiassaq Rubini nunatsinniit misissugassaq annissorneqartoq sumiippa?

Akissut: Ingerlatseqatigiiffiup korundi, ilanngullugillu rubinit, aammattaaq qaarsup ujaraannit atorussat korunditallit Vancouverimi (Britisk Columbia, Canada) najugaqarfinni pingasuni, kiisalu Lakefieldimi (Ontario, Canada) najugaqarfimmi ataatsimi toqqortarai.

2. Taamatuttaaq Rubinit nunatsinniit annissorneqartut qanoq naleqarpat?

Akissut: Korundip, ilanngullugit rubinit avammut tunisat nalingat aatsaat tunineqarfiisa nalaanni aalajangerneqarsinnaavoq. Korundimut suliarineqarsimanngitsumut nunarsuarmi niuerfiusumi akimik aalajangersimasoqannginneranik, aammalu korundimut silisimasamut nunarsuarmi niuerfimmi inissinneqarluarsimasumik akimik aalajangersimasoqannginneranik tamanna patsiseqarpoq. Nunarsuarmi niuerfimmi inissinneqarluarsimasumik akimik aalajangersimasoqaraluarpuunniit nunatsinnit korundip naleqassusaata aalajangernissaa ajornaku-suusaaq, taakku niuerfiusumi ilisimaneqannginneri pissutaallutik. Korundit assigiimmik oqimaassusillit akii procentinik tusindilikkaanik arlalinnik assigiinngisitaarsinnaapput, aammattaaq nunat-tsinnit korundimik annertusisamik ilisimasaqalernerimi, ilaatigut pilersaarinerup nasstarisaanik akit allanngorannissaat naatsorsuutigineqarput.

3. Rubini nunatsinniit piiarneqartoq nunatta innuttaanut sukut qanorlu aningaasatsigut kingunerisassai pitsaasut suuppat?

Akissut: Ingerlatseqatigiiffik maannakkut ujartuinerup nalaata naammassilerneraniippoq, sulilu atuinissamik akuersissummik pissarsiaqarsimanani, taamaattumik aatsitassarsiorneq aamma aatsitassanik piiaavanneq sulii aallartinneqarsimanngilaq. Ujartuinerit nalaat pillugit annertunerusumik annikinnerusumilluunniit nunatsinni sulisartunik suliffeqartitsilersinnaanerit, pilersuisooqataasunut suliaassisinnaanerit, aammalu innunat akileraarutinit aamma pilersuisooqataasunit ingerlatseqatigiiffinnut akileraarutinit Nunatta Karsianut isertitaqartitsisinnaanerit nalinginnarmik oqaatigineqarsinnaapput.

4. Ilisimaneqartutuut rubinit Qeqertarsuatsiaat eqqaaniit piiarneqalerput, Qeqertarsuatsiaarmiunut suliffissatsigut iluaqusiinissaa qulakkeerneqarpa?

Akissut: Kalaallit Nunaanni atuinissamik akuersissut pillugu ingerlatseqatigiiffik qinnuteqaateqaraangat qinnuteqaammi ilaatigut inuiaqatigiinni aningaasaqarnikkut pissutsinik arlalinnik nassuiaasumik nalunaarummik ilanngussivigineqartassaaq,

tassunga ilaatinneqarlutik suliniutip pilersissinnaasai sunniutit pitsaasut ajortullu, kisalu sunniutit ajortut annikillisinnissaannut siunnersuutit. Nalunaarusiamut tassunga (Inuiaqatigiinnut Piujuartitsilluni Iluaqutissanik Naliliinerit) malitsigisaanik ingerlatseqatigiiffik Namminersorlutik Oqartussat suleqatigalugit, pisumilu piviusumi matumani Kommuneqarfik Sermersooq suleqatigalugu illua'tungeriit pingasut akornanni isumaqatigiissuteqassaaq, aamma IBA-mik (Impact Benefit Agreement) isumaqatigiissummik ilisimaneqartumik.

Najugaqarfiusumi suliffeqarfiit ilanngutsinnissaat, aamma najugaqarfimmi inuussutissarsiorfiusumi siuarsarnej, suliffinnik pilersitsinerit, piginnaanngorsaanerit, kisalu sulisartut ilinniagaqartinneri aamma sungiusartarfiit/praktikkerfiit pilersinneri pillugit ingerlatseqatigiiffik piumasaqaatinut arlalinnut isumaqatigiissummi tassani pisussaaaffilerpoq. Ilaatigut suliffeqartitsinermut tunngatillugu ukiumoortumik anguniagassat ilanngunneqassapput, ilanngullugit aamma Qeqertarsuatsiaanit suliffeqartitassat. Inaarutitut piumasaqaatit pillugit True North Gems Inc. kommunilu qaammatini tulliuttuni isumaqatiginninniarfigineqassapput, taamaattumillu sulii paa-sinarsisimangillat.


Aatsitassanut tunngassutilinnik suliassanik arlalinnik suliaqartussatut ingerlatseqatigiiffiup s. Suliniutip aallartinneraniilli kalaallit sulisartut 75 %-it missaat atorfinitsinnissaat naatsorsuutigineqartoq tassunga tunngatillugu nalunaarutigineqarpoq. Sulisartussarsiornerup najugaqarfimmit (Qeqertarsuatsiaanit) pissanera aamma naatsorsuutigineqarpoq.

5. Rubini piiarneqartoq nunarsuarmi sumi pinneraasiassatut suliarineqarpa?

Akissut: Ujaqqanik pinneraasiassanik pisinnaatitaaffiliisumik True North Gems Inc. sulii atuinissamik akuersissummik tunineqarsimangilaq, ingerlatseqatigiiffilli ujartuinerup nalaani ujaqqat pinneraatit katersat ilaannik silisinissaminut ujartuinerup nalaani ingerlatseqatigiiffik akuersissutisisimavoq. Ujaqqat pinneraatit silisimasat peqarfimmi nassaat pitsaassusaasa qanoq naatsorsuutigineqarsinnaaneriniq ilisimasassanik tunisissapput. Ilisimalikkat taakku suliniutip akilersinnaassusaanik misissuisoqarnerani aningaasaliinermilu atorneqarsinnaapput. Silisineq pivoq Canada, Brasillami, Sri Lankami, Kinami aamma Thailandimi.

Inussiarnersumik inuulluaqqusillunga

Med venlig hilsen



Jens-Erik Kirkegaard